

WOMU GE GA DOBU BO

Ka Heberum ba tire te sokawa Womu ge ga dobu bo. Kurɔ ka durɔn k̄irun gariya ta mɔ.

Yuuba ba tire ten gari weesinawa ka k̄i te Gusunɔ u win tɔmbu Isireliba k̄i. Ma naane dokeobu ba maa tu weesina ka k̄i te Yesu Kirisi u win yigberu k̄i.

Tire ten kpunaa

1. Womu 1, wiru 1.1n di sere wiru 2.7.
2. Womu 2, wiru 2.8-17.
3. Womu 3, wiru 3.1n di sere wiru 5.1.
4. Womu 4, wiru 5.2n di sere wiru 6.3.
5. Womu 5, wiru 6.4n di sere wiru 7.11.
6. Womu 6, wiru 7.12n di sere wiru 8.5a.
7. Womu 7, wiru 8.5b-14.

¹ Womu ge ga dobu bo wee. Salomɔɔwa ga ka yã.

Kurɔ ka durɔn faagi

Kurɔ u nɛɛ,

² a man sɔsuo ka wunen tiin nɔɔ.

Domi wunen k̄irun kookoosu su tam dobu kere.

³ Wunen wani yi nuburu do.

A sãawa nge turare ye ya pusa.

Yen sɔna wɔndiaba ba nun k̄i.

⁴ A man tii gawema kpa su nun naa sw̄i ka duka.

A sãawa nen sunɔ, a ka man doo wunen wãa yerɔ.

Wunen saabuwa sa nuku dobu mɔ.

Wunen k̄iru ta tam dobu kere.

Ba gem mɔ be ba nun k̄i.

⁵ Yerusalemun wɔndiaba, i swaa dakio i nɔ.

Na t̄iri, adama na sãa kurɔ burɔ.

Na t̄iri nge Kedaan kuu bekuruginu,

adama na wāwa nge beku karenu ni nu wāa
Salomōn sina kpaarō.

⁶ I ku man gēm yèn sō na tīri.

Sōwa u man kua mε.

Nen sesubu ba ka man mōru kua.

Ba man kua ben reseem dāa gbaarun kōso.

Adama na n̄ nen tiigiru kōsu.

⁷ A man sōwō nen kīnasi mi a ra wunen sabenu
kpare,

ka mi a ra de nu sō sure.

Kpa na kun maa sirene wunen berusebun sabenun
suunu sō.

Yāa kparoba nεε,

⁸ wunε wi a t̄n kurōbu kpuro buram kere,

à kun yam mi yē, a doo a yāa gōn yira swī.

Kpa a wunen bonu kpara kparobun wāa yerun
bōku.

Durō u nεε,

⁹ nen kīnasi, a ka dum nia weene

ye ya Egibitin sun̄n tabu keke gawamō.

¹⁰ Wunen bura yānu nu ra de wunen baanu nu man
wēre.

Wunen wīira ka goonu wā.

Yāa kparoba nεε,

¹¹ sa ko nun saba kua ye ya wura ka sii geesu mēnne.

Kurō u nεε,

¹² sanam mε sina boko u sō ka wigibu,

nen turaren nubura pusa.

¹³ Nen kīnasi u nuburu dowā nge turare ye ba mō
miru,

ye ya sure nen tororō.

¹⁴ Nen kīnasi u sāwa nge dāa wēε burasu.

Su ra kpiwa reseem dāa gbaarō Engεdio.

Durō u nεε,

15 nɛn kɪnasi, a sãawa kurɔ burɔ.
Wunɛn nɔni yi ballimɔ nge waa bakagii.

Kurɔ u nɛɛ,

16 nɛn kɪnasi, a sãawa durɔ burɔ,
wuna a man wẽre.

Bɛsɛn kpin yeru ta ko n nɔɔ nɛ nge yaka bekusu.

17 Dãa ye ba mɔ sɛduru, yera ba ka bɛsɛn dirun dãa
mwaanatia kua.

Ma ba ten yari kua ka dãa ye ba mɔ sipɛrɛ.

2

1 Nɛna na sãa nge gunarun biibii ye ya kpia tem
tɛɛraɔ.

Na maa sãa nge yakasun biibii ye ya wãa wɔwaaɔ.

Durɔ u nɛɛ,

2 à n nɛn kɪnasi wa win wɔndia kpaasibun wuurɔ,
u ra n sãawa nge biibii ye ya wãa sãkin suunu sɔɔ.

Kurɔ u nɛɛ,

3 à n nɛn kɪnasi wa aluwaasiban suunu sɔɔ,
u sãawa nge dãa te ba mɔ pɔmiɛ dãnun suunu sɔɔ
tɛn marum mu dibu do.

Na ra kã na n sɔ win saarɔ.

4 U ka man da mi ba ra tɔɔ baka dɪanu di.

Ma u man nɛnua ka kɪru.

5 Wee kɪra man barɔ kua.

A man dam kɛ ka kira duronu, ka pɔmien marum.

6 Na kɪ na n nɛn wiru sɔndi win nɔm dwareɔ,
kpa win nɔm geu gu man bɔkasi.

Durɔ u nɛɛ,

7 bɛɛ Yerusalemun wɔndiaba, na bɛɛ sɔɔmɔ
ka yɛɛ kpiki ka nennun yɪsinu,

i ku nɛn kɪnasi yamia saa ye u n̄ kɪ u se.

Durɔ u wee

Kurɔ u nɛɛ,

8 na nɛn kɪnasin nɔɔ nɔɔmɔ.

Wɔɔ u guunu sarikiramɔ u wee.

⁹ U sãawa nge yaa kpiku ñ kun mε nge gini kpεma.

Wi wee dirun biruɔ,

u man mεerima fεnεntin di.

¹⁰ Ma u ka man gari kua u nεε,

a seewo nen kīnasi, kurɔ burɔ, a na.

¹¹ Wee puran saa ya doona,

ma gura ya yōra.*

¹² Biibii ya kpia yam kpuro.

Sa gunɔ bwese bwesekan swīi nɔɔmɔ.

Kparukonun swīi yi nɔɔra besen tem sɔɔ.

¹³ Dãa te ba m̀d figie ta marum torumɔ,

ma resem tōkan wēsun nubura pusa.

A seewo, a na nen kīnasi, kurɔ burɔ,

¹⁴ wunε wi a sãa nge sākusã ye ya wãa kpee baa sɔɔ
ya kukua.

A man wunen wuswaa sōsio.

A de n wunen nɔɔ nɔ.

Domi wunen dākɔra nɔɔbu do.

Mεya maa wunen wuswaa ra man wēre.

Kurɔn mεro u nεε,

¹⁵ i sun demaku binu mwεerio

ni nu besen resem gbaaru sankumɔ saa ye ya wēsū
sãa.

Kurɔ u nεε,

¹⁶ nen kīnasi u sãawa nεgii,

na maa sãa wigii.

U win sabenu kparamɔ yakasun biibiin suunu sɔɔ.

¹⁷ A de a gɔsira, nen kīnasi, a n wãa guunu wɔllo

a n sãa nge yaa kpiku ñ kun mε nge gini kpεma,
sere sɔɔ u ka du saaru tu kpěa.

* **2:11** *gura ya yōra* - Isireliban temɔ, puran saa gura ra ne.

Kurɔ u ka win kɪnasi dosimɔ
Kurɔ u nɛɛ,

3

¹ wɔ̄ku girira na kpɪ nɛn kpɪn yeru wɔ̄llɔ.

Na kasu wi nɛn gɔ̄ru ga kɪ.

Adama na n̄ n̄n wa.

² N n mɛn na, kon sewa n bɔsu wuu sɔɔ,
 gen swɛɛɔ ka gen yaburɔ na n kasu wi nɛn gɔ̄ru ga
 kɪ.

Na n̄n kasu kasu, adama na n̄ n̄n wa.

³ Ye wuu gen kɔsoba bɔsu ba wuu mɛrimɔ, ba man
 wa,

ma na bu bikia na nɛɛ, i nɛn kɪnasi wa?

⁴ Ye na bu deri kese, yera na nɛn kɪnasi wi wa.

Na n̄n sɛre, na n̄ n̄n yɔ̄su

sere na ka n̄n da nɛn mɛro wi u man maran dirɔ.

⁵ Bɛɛ Yerusalemun wɔ̄ndiaba,
 na bɛɛ sɔ̄mɔ ka yɛɛ kpiki ka nennun yɪsinu,
 i ku nɛn kɪnasi yamia saa ye u n̄ kɪ u se.

Kurɔ u nɛɛ,

⁶ wara u saram wee gbaburun di mɛni nge wii tɪa.

U turare ye ba m̄ miru ka turare dɛkagia bwese
 bwese kan nuburu mɔ.

⁷ Salomɔn kpɪn yera ba sɔ̄wa ba ka wee,

Isireliban tabu durɔ dangibu wata ba n̄n swɪ ba
 wɔ̄a gɔn gɔnka.

⁸ Be kpuro ba ka takobi sannɔ yɛ.

Ba sɔ̄awa tabu durɔbu.

Ben baawure u win takobi bɛki win yɛsɔ̄

u ka sɔ̄ru sɔ̄a baa yibɛɛba b̄a n kurama wɔ̄kuru.

⁹ Sina boko Salomɔ u dera ba n̄n amakɛn kitaru
 kua ka d̄a ye ba ka na Libanin di.

¹⁰ Ma ba ten suatian dɛki kua ka sii geesu.

Ba maa ten gballitia kua ka wura.

Ba ten sin yerun leferi beku wunəmgiru wukiri
 te Yerusalemun wəndiaba ba buraru kua kīrun s̄.
 11 I yarima bεε Siənin wəndiaba, i sina boko
 Saloməə wa.
 U win furə doke ge win mero nùn dokea saa ye u
 kurə kpaaru kua.
 Dəma te, u wāa nuku dobu s̄ə.
Durə u nεε,

4

1 a sāawa kurə burə, nən kīnasi.
 Wunen nəni yi ballimə nge waa bakagii wunen
 sənditian wērin di.
 Wunen seri yi sāa nge boo wuuru te ta saramamə
 Galadīn guuru wəllun di.
 2 Wunen donnu nu buriri nge yāa nìn sansu ba
 bəəra nu nim nərūm wee.
 Nu maa nəə nεwa swεε swεε, nìn gara kun kande.
 3 Wunen nəə ga swēriwa nge tom,
 ma ga waabu wā.
 Wunen baanu nu balliməwa nge dire sənsəm bia
 wunen sənditian wērin di.
 4 Wunen wīira wāwa nge Dafidin dii bwereku gagu
 mi ba ra tabu yānu bere.
 Wunen saban bataniba ba sāa nge tabu yāa ni ba
 bwē mi.
 5 Wunen bwāsu sāa nge yaa kpikun binu yiru ni nu
 yakasu dimə biibiin suunu s̄ə.
 6 Sere s̄ə u ka du saaru tu kpēa,
 kon da guuru wəllə mi turare ye ba m̄ miru ka
 turare dekagīa ya wāa.
 7 A sāawa kurə burə, nən kīnasi.
 A n̄ bau gagu m̄.
 8 A na su doona saa Libanin guunun di

ka Seniri ka Heeməon guurun di
mi gbee sinansu ka musuku yambarosu ra n wãa.

⁹ Beseɛn nɔni yì n yinna, ñ kun me nà n wunen saban
batani tia wa,
wunen kīra ra nen gōru kpuro mwewa, nen sesu,
nen kurɔ.

¹⁰ Wunen kīru ta nuku dobu mə nen sesu, nen kurɔ.
Wunen kīru ta tam dobu kere.
Meya maa wunen turaren nuburu ta do ta turare
kpuro kere.

¹¹ Wunen nɔɔ ga sōsubu do nge tim bau.

Tim ka bom mu wãa wunen nɔɔ sɔɔ.
Wunen yānu nu nuburu dowa nge dāa te ba m̀
seduru Libaniɔ.

¹² A sāawa nge dāa gbaaru te ba kara koosi, nen
sesu, nen kurɔ.
A sāawa nge dɔkɔ ye ba kenua, ñ kun me nge bwia
ye ba mara.

¹³ Wunen nim mu dāa gbaarun dānu yēkamɔ.

Nin binu ni ba sokumɔ gerenadi nu do too.

Meya lalle ka naadi ya maa kpia mi,

¹⁴ ka safarani, ka yaka si su nuburu do, ka kaneli,
ka dāa ni ba ra ka turare dekagia ko, ka miru, ka
aloesi,

ka sere yaka si su nuburu do bu bo kpuro.

¹⁵ Wunen a sāawa nge dāa gbaarun dɔkɔ
ñ kun me nge bwia ye ya nim sumɔ
me mu wee saa Libanin guunun di.

Kurɔ u neɛ,

¹⁶ sɔɔ yēsi yēsikan wosu,
i seewo i nen dāa gbaarun dānu kɔ,
kpa nin nuburu duroru tu yari kpuro.
I de nen kīnasi u du win dāa gbaaru sɔɔ
kpa u yen dāa bii geenu di.

Durɔ u wee
Durɔ u nɛɛ,

5

¹ na dua nɛn dāa gbaaru sɔɔ,
nɛn sesu, nɛn kurɔ.
Na nɛn turare ye ba m̀ mirun dāa yorimɔ ka kiki si
su nuburu do.
Na nɛn tim baun tim dimɔ.
Na nɛn tam ka nɛn bom n̄rumɔ.
Yerusalemun w̄ndiaba ba nɛɛ,
i dio, bɛɛ be i k̄ianɛ.
I n̄ruo kpa i n k̄iru barɔ.

Kurɔ u gambo wukia

adama n dākuru kua

Kurɔ u nɛɛ,

² na d̀ adama nɛn bw̄ɛra ya n̄ kp̄i.
Na ka nɛn k̄inasi dosimɔ u gambo soomɔ.

Durɔ u nɛɛ,

a man kenio, nɛn sesu, nɛn k̄inasi.
Wunɛ wi a s̄aa nge s̄akus̄a, a yiba.
Nɛn wira nikerera.
Ma nɛn seri nim s̄ɛɛra.

Kurɔ u nɛɛ,

³ wee na nɛn yaberu pota.

Kon maa kp̄i n se n tu sebe?

Na nɛn k̄ori kpakia kɔ, yera kon maa se n yi disinu
ko?

⁴ Yera nɛn k̄inasi wi, u win n̄mu kp̄ɛɛma gambon
wem di,

ma nɛn bw̄ɛra wur̄a win mi.

⁵ Na seewa n ka n̄n kenia.

Turare ye ba m̀ miru ya d̄akumɔ nɛn n̄man di
gambon nenutia sɔɔ.

⁶ Na nɛn k̄inasi kenia,

adama na deema u doona.

Nen bwēra raa wura win mi, sanam me na win nō
nua.

Na nūn kasu kasu, na n̄ nūn wa.

Na nūn soka, u n̄ wure.

⁷Wuu gen kōsobu ba ka man yinna.

Ba man so ba mēera kua.

Be ba gbāraru kōsu, ba nen sōnditia mwa.

⁸Bēe Yerusalemun wōndiaba, na bēe kanamō,

i n nen kīnasi wa, i nūn sōwō win kīra man barō
kua.

Yerusalemun wōndiaba ba nēe,

⁹wunε wi a kurōbu kpuro buram kere,

mba wunen kīnasi wi, u mō ye goo kun mō a ka sun
sōmō mε.

Kurō u nēe,

¹⁰nen kīnasi, tōn swāwā, win wuswaa ballimō.

Tōmbu nōrōbun suba wākuru (10.000) sō, wiya kaa
waabu gbi.

¹¹Win wuswaa ya ballimō nge wura gea.

Win seri yi tīriwa nge gunō mōran sansu.

¹²Win nōni yi sāawa nge waa bakagii ye ya wāa
daarō.

Win nōni kpiki yi sāawa nge bom bekum.

Nōni yi, yi ka kpee gobiginu weenε ni ba doke taabu
sō.

¹³Win baanu nu wāwa nge turare bii yi yi kpiibu
wee.

Win nō ga sāawa nge biibii yèn min di turare ya
dāakumō.

¹⁴Win nōma ya ka wuran suma weenε ye ba kpee
gobiginu dokea.

Win wasi yi wōru nge suunu don te ba wōriasia
ba buraru koosi ka kpee buranu ni nu nōni boogu
mō.

15 Win kōri yi sãawa nge gbere yiru ye ba kua ka kpee kpikiru.

Ma ba ye gira wura gean wollo.

À n nùn mēera, u sãawa nge Libanin dāa ni ba m̀d̀ seduru.

16 Win nōon gari do.

Wi sōra nen bwēra ra n wāa mam mam.

Bēe Yerusalemun wōndiaba, mē nen bōrō kīnasi wi, u sãawa mi.

Yerusalemun wōndiaba ba nēe,

6

1 mana wunen kīnasi wi, u da, wunε wi a kurōbu kpuro buram kere. Bera mana u gere, kpa su ka nun wi kasu.

Kurō u nēe,

2 nen kīnasi u dawa win dāa gbaarō, mi turare bii wāa yi yi kpiibu wee, u ka win sabenu kpara kpa u biibii bōori.

3 Na sãawa nen kīnasigii, ma u maa sãa nēgii. U win sabenu kparamō biibiin suunu sōō.

Nge mē kurō win wasi sãa

Durō u nēe,

4 a girima mō nge wuu ge ba m̀d̀ Tirisa.

Nen kīnasi, a wā nge Yerusalemu.

A nanum mō nge tabu sīa ka yen gidi bōra.

5 A ku maa man mēeri.

Domi wunen nōni yi nen kīru seeyamō.

Wunen seri yi sãa nge boo wuuru

te ta saramamō Galadin guurun wollun di.

6 Wunen donnu nu buriri nge yāa nìn sansu ba bōora

nu nim nōrum wee, nu maa nōō nēwa swēe swēe, nin gara kun kande.

7 Wunen baanu nu ballimawa nge dire sɔnsɔm bia
wunen sɔnditian wɛrin di.

8 Sinanibun geera sɔawa wata,
sina kurabu maa wene.
Wɔndiaban geera kun naru ma be.

9 Adama nen kɔnasi wi, u n̄ bau ma,
u sɔawa nenem be sɔɔ.
U sɔawa win meron bii wɔndia teereru te u kɔ too.
Wɔndia be ba n̄n wa, ba nee,
u sɔawa domarugii.

Sinanibu ka ban sina kurabu ba maa n̄n siara ba
nee,

10 wara u yarimam wee nge buruku sɔɔ.

Wara u wã me nge suru.

Wara u ballimɔ nge sɔɔ.

U nanum ma nge tabu sɔa ka yen gidi bɔra.

11 Na da dɔa gbaara mi dɔa marum waa,
n ka wa yakasu s̄n n̄ kpia wɔwaa,
kpa n wa resem tɔka ya n̄ kpara,
kpa n maa wa dɔa te ba m̄n gerenadi ta n̄ wɛsu sɔa.

12 Na n̄ ka baaru nen bwɛra man sua,
ya man doke nen tɔmbun tabu kekɛban suunu sɔɔ
yi dumi gawe.

Kurabu ka wɔndiaba ba nee,

7

1 a gɔsirama, a gɔsirama, Sunemun bii,
a gɔsirama su nun meri.

Mban sɔna i ne Sunemun bii mɛera
nge wi u yaama tɔn wuunu yirun baa sɔɔ.

Duro u nee,

2 wɔndia beeregii, wunen naasu su wã salubata sɔɔ.

Wunen pɔra ya wãwa nge saba.

Wi u ye kua mamɔn tiiwa.

3 Wunen bwĩirun gira yera sãawa bwerere nge
noran nɔɔ
ye ya ku ra tam kpe.

Wunen bɔsɔ ga swɛri nge alikama ye ba ka biibii
sikerene.

4 Wunen bwãsu sãawa nge yaa kpikun binu yiru.

5 Wunen wĩiru ta buririwa nge suunu donnu.

Wunen nɔni yi dɛɛrewa nge Hesibonin yeru
si su wãa wuu bɔkɔ gen kɔnnɔn bɔkuɔ.

Wunen wɛru ta dɛndewa mam mam nge Libanin
kɔsu yeru

te ta Damasi mɛera.

6 Wunen wira suarewa nge guu te ba mɔ Kaameli.

Ma wunen tara ya ballimɔ nge beku gobigiru
sere ya sina bokon bwɛra kpuro mwa.

7 Wunen buram banda, a man wɛre too.

Wune sɔɔra nen kĩru kpuro wãa.

8 Wunen wasi yi dɛndewa nge kpakpa bãa.

Wunen bwãsu su sãawa nge dãa marum swaaru.

9 Na nɛɛ, kon kpakpa yɔwa kpa n yen marum nenɛ.

Wunen bwãsu su sãawa nge resɛm swaaru.

Wunen wɛsiaru ta nuburu do nge dãa marum mɛ
ba mɔ pɔmu.

10 Nà n nun sɔsu, na ra n nuku dobu mɔ nge wi u
tam durom nɔra.

Kurɔ u nɛɛ,

tam mɛ, mu kokuo nen kĩnasin sɔ

mu du win nɔɔ sɔɔ ù n dweeyamɔ.

11 Na sãawa nen kĩnasigii,

ma win kĩru kpuro wãa nɛ sɔɔ.

Kĩana sɔɔra nuku doba wãa

Kurɔ u nɛɛ,

12 nen kĩnasi, a yarima su da baru kpaanɔ kpa sa n
wãa mi.

13 Bururu sa ko se su da dāa gbaarə,
 su wa resem tōka ka dāa te ba m̀
 gerenadi yà n kpare ya wēsu sāa.
 Miya kon nun kīru sōasi.

14 Dāa te ba m̀ mandaragore ta ten turare yēkamə.
 Bεεn yenu kənnəwə, sa dāa marum kpuro mə mε
 mu dobu bo,
 ginakugim ka gisəku gegim.
 Na mε kpuro yii wunen sō nen kīnasi.

8

1 À n daa sāa nen sesu mero turosi, kon ka nun
 yinna təwə,

kpa n nun bəkasi, goo kun maa man gemmə.

2 Kon ka nun da nen meron yenuə

kpa a man bwisi kē.

Kon nun tam nubu durorugim wē

mε na kua ka dāa bii ni ba m̀ gerenadi.

3 Na kī na n nen wiru səndi win nəm dware,

kpa win nəm geu gu man bəkasi.

4 Bεε Yerusalemun wəndiaba, na bεε sōomə,

i ku nen kīnasi yamia saa ye u n̄ kī u se.

Wəndiaba ba nεε,

5 wara u wee gbaburun di u win kīnasi gballi.

Kīrun dam

Kurə u nεε,

na nun yamia dāa saarə wunen yenun bəkuə,

mi wunen mero u wunen gura sua u nun mara.

6 A de nε turon gari yi n wāa wunen gōruə.

A de a n nε turo bəkasi.

Domi kīru ta dam məwa nge gəw.

Nisinu nu maa sāawa gāa gəbunu nge gəribun wāa
 yeru.

Nin dam mu sāawa nge dōw yari.

Yinni Gusunən min diya yi wee.

⁷ Nim wōkun nim ka mən kpāaru mu n̄ kpē mu
kīrun dōo go.

Meya maa daanun nim yiburu ta n̄ kpē tu kīi te
wukiri.

Tōnu wi u win dukia kpuro wē bu ka n̄n kīan sō,
u n̄ kīi te wasi.

Yen kōkōrō, ba koo n̄n gēmwa.

Kurən sesubu ba nē,

⁸ sa sesu piibu mō wi u kun gina bwāa kpia.

Amōna sa ko n̄n kua sanam mē ba n̄n kīan na.

⁹ U n sāa nge gbāraru,

sa ko tu tāsisiawa ka sii geesu.

U n maa sāa nge kōnnō,

sa ko ge kōrewa ka dāa ye ba mō sedurun gambo.

Kurō u nē,

¹⁰ na sāawa nge gbāraru,

ma n̄n bwāa ya sāa nge wuu kōsobun wāa yeru.

N̄n kīnasi u yē ma na bōri yendu mō win mi.

Durō u nē,

¹¹ Salomōo u resēm tōkan gbaaru mō Baali
Hamōōwō.

Ma u gbaa te kōsobu nōmu sōndia.

Ben baawure u ra ka sii geesun gobi nōrōbu (1.000)
nēwa

bu sere gbaa ten marum sōri.

¹² Salomōo u win sii geesun gobi nōrōbu (1.000) suo
u n mō,

kpa u win gbaa kōsobu yen goobu (200) wē.

Nēna na n̄n tiin resēm gbaaru mō,

ma na tu kōsu.

¹³ A de n wunen nōo nō n̄n kīnasi,

wunē wi a ra n wāa dāa gbaaru sōo.

Kpaasiba kĩ bu gu nɔ.

Kurɔ u nɛɛ,

¹⁴ a wasi suo nɛn kĩnasi,

kpa a n sã nge yaa kpiku ñ kun mɛ nge gini kpɛma
ye ya wãa guuru wɔllɔ mi yaka nubu durorugisu
wãa.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3